

NOVOS CINEMAS. FESTIVAL INTERNACIONAL DE CINEMA DE PONTEVEDRA celebrarase na cidade de Pontevedra, Galicia (España) do **12 ao 17 de decembro do 2023**, e ten como finalidade principal detectar e difundir o talento cinematográfico de cineastas emerxentes, poñendo especial énfase no cinema de carácter autoral.

PRESENTACIÓN

NOVOS CINEMAS#LAB ten como obxectivo xerar unha área de asesoramento e orientación que favoreza o desenvolvemento dos proxectos de realizadores/as noveis. O **#LAB** promoverá o encontro entre cineastas e axentes especialmente sensibles a proxectos cinematográficos de natureza independente. A finalidade desta interacción é que as obras poidan adaptarse, co maior grao de operatividade e funcionalidade posible, a uns contextos e escenarios en constante mutación.

Os proxectos suporán a primeira ou segunda obra de longametraxe dos seus autores e autoras e deberán atoparse en fase de desenvolvemento (escritura, procura de apoios, pre-produción, etc). Logo dun proceso de selección levado a cabo polo equipo de Novos Cinemas, o **#LAB** terá lugar entre o 12 e o 15 de decembro.

Esta segunda fase consistirá na análise, estudo e asesoramento pormenorizado dos proxectos seleccionados para que poidan materializarse do mellor xeito posible, acadando así os maiores réditos artísticos e económicos. Esta tarefa será desenvolvida por profesionais especializados de contrastada experiencia.

NOVOS CINEMAS#LAB será un espazo de formación e ensaio para cineastas que se atopan nos inicios da súa carreira profesional. Os/as realizadores/as e/ou produtores/as participantes poderán adquirir as competencias e habilidades necesarias para defender os seus proxectos co maior grao de operatividade, funcionalidade e rendibilidade posible.

Co gallo de fomentar e estimular a produción cinematográfica galega, cando menos unha das catro prazas do **NOVOS CINEMAS#LAB** destinarase ao proxecto cinematográfico dun/dunha cineasta galego/a.

O período de admisión de proxectos estenderase do 25 de xuño ao 15 de setembro de 2023.

INSCRICIÓN

- Convocaranse catro (4) prazas para catro (4) proxectos. Unha das prazas destinarase a proxectos da comunidade autónoma galega.
- Os proxectos enviados deberán ser **primeiras ou segundas películas** e deberán estar en fase de escritura, desenvolvemento ou preproducción.
- A convocatoria está aberta a proxectos de carácter rexional, nacional e internacional con independencia da área xeográfica á que pertenzan.
- A documentación poderá presentarse nos seguintes idiomas: galego, español e inglés.
- A inscrición farase a través do cumprimento da Ficha de Inscrición aloxada na web do festival: <http://www.novoscinemas.com/gl/lab-2023-entry-form/>
- Deberáse adxuntarse un dossier con información sobre o proxecto, desenvolvemento e intencións do proxecto.
- No caso de incorporar material audiovisual, este achegarase mediante enlaces privados de visionado (Vimeo e similares).
- A data límite de presentación da documentación é **o día 25 de setembro do 2023**.
- O equipo de Novos Cinemas notificará vía mail ás autorxs dos proxectos seleccionados da súa inclusión no programa NOVOS CINEMAS#LAB O8. Os/as autores/as e/ou produtores/as deberán confirmar a súa asistencia durante a semana seguinte á confirmación.

NOVOS CINEMAS#LAB

- O #LAB desenvolverase na semana do 12 ao 15 de decembro.
- Os proxectos seleccionados serán estudados, analizados e asesorados detalladamente por catro profesionais de recoñecido prestixio internacional.
- A organización ofrecerá unha bolsa de viaxe para cada un dos proxectos seleccionados cos que cubrir os gastos de viaxe e aloxamento.
- No caso de que algún dos proxectos participantes no #LAB se materialice, quen teña a titularidade dos dereitos comprométense a incluír nos títulos de crédito de presentación do filme o a imaxe do NOVOS CINEMAS#LAB que será proporcionada polo equipo de Novos Cinemas.